



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

In quibus Plato ab Arist. reprehendatur. Cap. 14.

urn:nbn:de:hbz:466:1-12918

posuerunt, nulla de aliis differentiis facta mentione: nam cœlum solum mouetur in orbe, propterea in eo solum propriè consideratur initium motus: quod dextrum nuncupatur in animalibus perfectis, & præsertim in homine, omnes positionis differentiæ verè distinctiones inueniuntur; ob diuersitatem figure, positionis, & facultatis membrorum. Sed hoc est dubium, utrum in homine dextrum à sinistro natura, vel potius sola assuetudine distincta sint. Plato in septimo dialogo de Legibus ait, distinctionem dextri à sinistro pédere ex præua assuetudine, & ex ignorantia nutricum: rem autem ita se habere ex eo constat, quoniam per conuenientem assuetudinem homo euadit ambidexter; & nonnulli rectius laeva, quam dextra manu vtuntur.

In quibus Plato ab Aristotele reprehendatur.

CAP. XIV.

 N tribus Plato ab Aristotele carpitur: & in tribus inter eos, ut ad præsentem considerationem pertinet, licet videtur. Primo, quia Plato in unius verso negat sursum, & deorsum reperiri; sed medium, & circumferentiam. Secundo, quia Plato in cœlo ponit dextrum, & sinistrum, nulla facta de aliis differentiis mentione: qua de re Arist. in secundo de cœlo eum carpit asserens, errasse Pythagoram, & consequenter Platonem, qui eū sequutus est; cum in cœlo solum posuerint dextrum, & sinistrum, quæ ex diffe-

rentiis postremæ sunt, & alias præcedentes in eo non manifestauerint. Tertio, dissentit Aristoteles à Platone: quia Plato in homine dextrum, & sinistrum dixit, non distingui natura sed præua assuetudine; Arist. verò, & in 5. Eth. cap. 7. & in tertio de partibus animalium asserit, dextrum à sinistro distingui natura. De his dissensionibus agens, ut pertinet ad primam, dico, litem præsertim pendere ex diuersa consideratione, diuersaque sententia de naturali motu elementorum. Plato respiciens ad mundi rotunditatem, ac insuper existimans elementa moueri in orbem, debuit, & ratione figuræ, & ratione motus, solum considerare medium, & circumferentiam: Aristot. solum respiciens ad motum elementorum, & asserens elementa moueri motu recto; debuit longitudinem, & sursum, atq; deorsum statuere; & propterea lis pendet ex diuersa consideratione, & ex varia sententia de motu elementorum: propterea non in solis verbis est posita, ut censuit Simplicius. Insuper, pendet ex varia acceptione grauitatis: Plato enim grauedinem nuncupauit propensionem in suum locum; ideo ratione etiam redditus elementorum in suam natu ram, & medium, & circumferentia potest dici deorsum: id enim, ad quod graue per naturam tendit, deorsum dicitur. De altera controuer sia, quia Plato in cœlo posuit solum dextrum, & sinistrum: Respondeo, iure hoc facere. Primo; quia Pythagoras considerauit dextrum,

&

& sinistrū, tanquam principia contrarietatū: quatenus dextrum denotat bonū, virtutem, & formam; sinistrum verò malū, diminutionē, & priuationē quandā: ideo Pythagoras numerauit dextrū, & sinistrum inter primas decem rerum contrarietates: ad quas cæteræ modo aliquo rediguntur. Insuper nouerunt, in cœlo solum reperiiri motum in loco: ut pertinet ad motum in loco, solum consideratur dextrum, quod est principium motus; & sinistrum, eius oppositum. Ad instantiam Aristot. quia posterius presupponit id, quod est prius: respondeo, id esse verū de mortalibus, in quibus non reperitur posterius generatione sine priore: de cœlo secus se habet: in cœlo enim sine mutatione, quæ indicat partē sursum; & sine instrumentis sensuum, quæ formant partem anteriorē, ut confitetur Arist. in 2. de Cœlo; reperitur anima mouens cœlum in orbe. Præterea; quamvis dextrum, & sinistrum in mortalibus, ordine originis, postrema sint: at tamen absolute considerata, ut denotant bonū, & malū, sunt prima; & inter primas contrarietates numerātur, ad quas ceterē illius ordinis rediguntur. Præterea, rectē sensisse Plat. ex eo constat: quia etiam Arist. in cœlo primè considerat dextrum, & sinistrum, respiciendo ad principium motus: qua differentia constituta, in ordine ad eam statuit alias. Ex quo patet, solum in cœlo propriè reperiiri dextrū, & sinistrū; cæteras verò in ordine ad hanc, & pen-

quandam similitudinem cum mortalibus animalibus: adeò, ut re vera lis sit in verbis: Plato tamen rectius sit loquutus. De postrema differentia dico, rectè sentire & Platonē, & Arist. solumq; differre in verbis: Nā ambo nouerunt dextrum à sinistro in animalibus per naturam modo aliquo distingui: Nouerunt insuper, quòd, quamuis à natura habeant principium distinctionis, tamen per assuetudinem pars sinistra potest reddi aptior, & robustior ad motum, & operationes. hoc nedum dixit Plato, verū etiam affirmauit Arist. 31. par. probl. 12. inquiens: Pars dextra exercitatione assuescere, & in meliorem frugem euadere videtur; effici nanque vtrinq; dextri, per assuetudinem possumus. Colligo itaque eos hac de re non dissentire: nam Plato, ut ciuilis, respiciens ad utilitatem ciuitatis, & ad militum usum, nos hortari voluit, & debuit; vt assuetudine reddere ambidextri, ac pro facultate aptissimi ad custodiam, & salutē patrię. Insuper, non dixit absolute, dextrū non distingui à sinistro: sed addit, ferè, inquiens: Nā cùm natura ferè ad vtramq; partē & quē se habeat, ipsi per consuetudinem non rectè utentes, differentiā facimus, &c. Ita nanq; loquutus est, vt indicaret: quòd quamvis per naturā adsit aliqua differentia, nos tamē per assuetudinē valemus sinistrā reddere aptiorem; vt per artem sēpe naturam corrigimus, & superamus: quod etiam nouit, & affirmauit Aristoteles.

STE.